



**განათლებისა და
მეცნიერების სამინისტრო**

დimitრი უზნაძის N52
0102 თბილისი, საქართველო
+995 32 2200 220
pr@mes.gov.ge



MES 8 23 0000001-19



20/12/2023

**ხელშეკრულება N01-19
სახელმწიფო შესყიდვის შესახებ**

ქ. თბილისი

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის მარიამ ტაბატაძის სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი: 202051224;

მიმწოდებელი: შპს დამაკ ჰოლდინგი, დირექტორის ბექა ნიკოლაიშვილის სახით

მისამართი: ქ.თბილისი, მარუხის გამრების N 15

ტელ.: 571220820

ელ.ფოსტა: bekanikolaishvili88@gmail.com

საბანკო რეკვიზიტები: ს/ს „ლიბერთი ბანკი“;

კოდი: LBRTGE22

ანგ. GE35LB0111192690431000

საიდენტიფიკაციო კოდი: 405457982

ერთი მხრივ - შემსყიდველი და მეორე მხრივ - მიმწოდებელი, NAT230024640 ელექტრონული ტენდერის (პრეისკურანტით) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 „საქონელი/მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს ავტომანქანების რეცხვისა და ქიმწმენდის მომსახურების (CPV:50112300) შესყიდვა.

3. ხელშეკრულების ჯამური ღირებულება

3.1 ხელშეკრულების ღირებულება შეადგენს 38'026,00 (ოცდათვრამეტი ათას ოცდაექვსი) ლარს. მათ შორის:

- "განათლების, მეცნიერებისა და ახალგაზრდობის სფეროებში სახელმწიფო პოლიტიკის შემუშავება და პროგრამების მართვა" - 32 01 01 (პროგრამული კოდი) დაფინანსების ფარგლებში - 35'220,00 (ოცდათხუთმეტი ათას ორას ოცი) ლარი;
- "ინოვაციის, ინკლუზიურობის და ხარისხის პროექტი - საქართველო I2Q (IBRD)" - 32 09 - (პროგრამული კოდი) დაფინანსების ფარგლებში - 1'656,00 (ერთი ათას ექვსას ორმოცდათექვსმეტი) ლარი;
- „თანამედროვე უნარები უკეთესი დასაქმების სექტორის განვითარების პროგრამა“ (ADB) - 32 11 (პროგრამული კოდი) დაფინანსების ფარგლებში - 1'150,00 (ერთი ათას ასორმოცდაათი) ლარი

3.2 მომსახურების რაოდენობა და ერთეულის ფასები მოცემულია ცხრილში.

N	მომსახურების დასახელება	რაოდენობა	ერთ.ფასი (ლარი)	სულ ფასი (ლარი)
დაფინანსების წყარო: განათლების, მეცნიერებისა და ახალგაზრდობის სფეროებში სახელმწიფო პოლიტიკის შემუშავება და პროგრამების მართვა (პროგრამული კოდი 320101)				
1	ჯიპის (მაღალი გამავლობის) ტიპის ავტომობილის რეცხვა	950	23,0	22'080
2	სტანდარტული/მსუბუქი (სედანი) ტიპის ავტომობილის რეცხვა	600	14,0	8'400
3	მიკროავტობუსის რეცხვა	48	25,0	1'200
4	ჯიპის (მაღალი გამავლობის) ტიპის ავტომობილის ქიმწმენდა	12	120,0	1'440
5	სტანდარტული/მსუბუქი (სედანი) ტიპის ავტომობილის ქიმწმენდა	10	170,0	1'700
6	მიკროავტობუსის ქიმწმენდა	2	200,0	400
დაფინანსების წყარო: პროექტი „თანამედროვე უნარები უკეთესი დასაქმების სექტორის განვითარების პროგრამა“ (ADB) (პროგრამული კოდი 32 11)				
1	ჯიპის (მაღალი გამავლობის) ტიპის ავტომობილის რეცხვა	72	23,0	1'656
დაფინანსების წყარო: 32 09 - ინოვაციის, ინკლუზიურობის და ხარისხის პროექტი - საქართველო I2Q (IBRD)“				
1	ჯიპის (მაღალი გამავლობის) ტიპის ავტომობილის რეცხვა	50	23,0	1'150

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება განხორციელდება ფაქტობრივად გაწეული მომსახურების ღირებულების შესაბამისად, მიღება-ჩაბარების აქტის გაფორმების საფუძველზე.

4.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

4.4 წინასწარი ანგარიშსწორება არ გამოიყენება.

4.5 დაფინანსების წყარო: 2024 წლის სახელმწიფო ბიუჯეტი, "განათლების, მეცნიერებისა და ახალგაზრდობის სფეროებში სახელმწიფო პოლიტიკის შემუშავება და პროგრამების მართვა" (პროგრამული კოდი 32 01 01), "32 09 - ინოვაციის, ინკლუზიურობის და ხარისხის პროექტი - საქართველო I2Q (IBRD)" და პროექტი „თანამედროვე უნარები უკეთესი დასაქმების სექტორის განვითარების პროგრამა“ (ADB) (პროგრამული კოდი 32 11).

5. მომსახურების გაწევის მიღება-ჩაბარების წესი

5.1 მომსახურება ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირებს წარმოადგენენ, დაფინანსების წყაროს შესაბამისად: ქონების მართვისა და მატერიალურ-ტექნიკური უზრუნველყოფის სამმართველოს უფროსი ან მისი ფუნქციათა შემსრულებელი ან პროგრამის „ინოვაციის, ინკლუზიურობის ან ხარისხის პროექტი - საქართველო I2Q (IBRD)" ადმინისტრაციული მენეჯერი მარინე ჟვანია ან პროექტის „თანამედროვე უნარები უკეთესი დასაქმების სექტორის განვითარების პროგრამა“ (ADB) მენეჯერი თამარ დვალი.

6. შესყიდვის ობიექტის მიწოდების ვადა, ადგილი და პირობები:

6.1 მომსახურების გაწევის ვადაა 2024 წლის 1 იანვრიდან 2024 წლის 31 დეკემბრის ჩათვლით.

6.2 მომსახურება უნდა განხორციელდეს მიმწოდებლის მიერ მითითებულ ავტოსამრეცხაოებში, შემსყიდველის უფლებამოსილი წარმომადგენლის მიერ პლასტიკური ბარათის წარდგენის შემდეგ.

6.3 მომსახურების გაწევის ადგილებია:

- ქ. თბილისი, ავლიზ ზურაბიშვილის ქ. N15;
- ქ. თბილისი, ჯავახეთის ქ. N5ა;
- ქ. თბილისი, ხვამლის და დგებუადის ქუჩების კვეთა, თავდაცვის სამინისტროსთან (რომპეტროლი);
- ქ. თბილისი, ვარკეთილი 3-ის 2 მ/რ-სა და ვარკეთილის მასივს შორის, ერთიანობისთვის მეზრძოლთა ქუჩა;
- ქ. თბილისი, აკაკი ბაქრაძის N15;
- ქ. თბილისი, ქავთარაძის ქ. N19;
- ქ. თბილისი, მარცხენა სანაპიროს და სამტრედიის ქუჩის კვეთა;

6.4 მომსახურების გაწევის პირობები:

6.4.1 ავტომობილების რეცხვა/გასუფთავების მომსახურება უნდა განხორციელდეს საბარათე (პლასტიკური ბარათი) სისტემის მეშვეობით, რაც გულისხმობს, რომ მიმწოდებელი შემსყიდველს, ხელშეკრულების გაფორმებიდან 5 სამუშაო დღის ვადაში გადასცემს შესაბამის

ბარათებს. რეცხვისა და ქიმწმენდის ბარათების გადაცემის შემდგომ ის წარმოადგენს შემსყიდველის საკუთრებას. მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის განმავლობაში შემსყიდველი უზრუნველყოს ისეთი ტიპის ელექტრონული საშუალებით, რომლის მეშვეობითაც შემსყიდველს შესაძლებლობა ექნება (სახელისა და საიდენტიფიკაციო პაროლის გამოყენებით) გააქტიუროს რეცხვის და ქიმწმენდის მომსახურების რაოდენობა სპეციალურ ანგარიშზე. შემსყიდველს უნდა გააჩნდეს უფლებამოსილება ონლაინ, 24 საათის განმავლობაში შეუზღუდავად პლასტიკურ ბარათზე გაანაწილოს რეცხვისა და ქიმწმენდის მომსახურების რაოდენობა. სპეციალურ ანგარიშზე რეცხვისა და ქიმწმენდის მომსახურების მოთხოვნილი რაოდენობის ასახვის შემდეგ შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე. პლასტიკური ბარათის წარდგენის შემდგომ მისი მფლობელი უფლებამოსილია მიიღოს ბარათზე არსებული რეცხვის ან ქიმწმენდის მომსახურება მიმწოდებლის ავტოსამრეცხაო სადგურებში. საბარათო სისტემა ავტომატურად, ონლაინ რეჟიმში უნდა ასახავდეს მომსახურების გაწევას.

6.4.2 ავტოსატრანსპორტო საშუალებების რეცხვა: შემსყიდველის ავტოსატრანსპორტო საშუალებების რეცხვა უნდა განხორციელდეს რიგგარეშე, მიყვანისთანავე ან/და ბოქსში არსებული ავტომობილის შემდეგ (ასეთის არსებობის შემთხვევაში); -მიმწოდებელმა უნდა უზრუნველყოს ავტოსატრანსპორტო საშუალებების როგორც გარე, ისე შიდა (სალონი, საბარგული) რეცხვა. ამასთან, რეცხვა უნდა მოხდეს ხელით სპეციალური მოწყობილობების, ინვენტარისა და სარეცხი საშუალებების გამოყენებით; რეცხვის შემდეგ უნდა მოხდეს ავტომობილის გამშრალება; რეცხვისთვის გამოყენებულ უნდა იქნეს ავტომობილის რეცხვისათვის განკუთვნილი სარეცხი და საწმენდი საშუალებები; მომსახურების გაწევის დროს მიმწოდებლის ბრალეულობით შემსყიდველის ავტოსატრანსპორტო საშუალებაზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს; მიმწოდებელმა რეცხვის მომსახურება უნდა განახორციელოს შემსყიდველის უფლებამოსილი წარმომადგენლის მიერ პლასტიკური ბარათის წარდგენის შემდეგ.

6.4.3 ქიმწმენდის პირობები: მიმწოდებელმა უნდა უზრუნველყოს ავტოსატრანსპორტო საშუალებების ქიმიური წმენდის მომსახურების გაწევა, რაც მოიცავს ინტერიერის (სალონი და საბარგული) სრულად წმენდას შესაბამისი ხსნარებით, სპეციალური მოწყობილობების, ინვენტარისა და საწმენდი საშუალებების გამოყენებით; წმენდისას უნდა მოხდეს სალონის პლასტიკური და ტყავის ელემენტების დამუშავება დამცავი და დამარბილებელი სპეციალური სითხით და კრემებით, სალონის გაწმენდა და დეზინფექცია, არასასიამოვნო სუნის ლიკვიდაცია; მომსახურების გაწევის დროს მიმწოდებლის ბრალეულობით შემსყიდველის ავტოსატრანსპორტო საშუალებაზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს; მიმწოდებელმა ქიმწმენდის მომსახურების გაწევა უნდა უზრუნველყოს შემსყიდველის მიერ შესაბამისი პლასტიკური ბარათის წარდგენიდან არაუმეტეს 24 საათში;

7. მხარეთა უფლება-მოვალეობები

7.1. მიმწოდებელი ვალდებულია გაუწიოს შემსყიდველს მომსახურება ხელშეკრულების პირობების შესაბამისად. იგი პასუხისმგებელია გაწეული მომსახურების ხარისხზე.

7.2 მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

7.3 შემსყიდველი ვალდებულია აუნაზღაუროს მიმწოდებელს გაწეული მომსახურების ღირებულება ხელშეკრულებით გათვალისწინებულ ვადაში.

7.4 შემსყიდველს უფლება აქვს:

7.4.1 მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების შესრულება.

7.4.2 ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

8.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 შემსყიდველის მხრიდან ხელშეკრულების შესრულების კონტროლს განახორციელებენ, დაფინანსების წყაროს შესაბამისად: ქონების მართვისა და მატერიალურ-ტექნიკური უზრუნველყოფის სამმართველოში შრომითი ხელშეკრულებით დასაქმებული პირი გიორგი გურგენიძე ან პროგრამის „ინოვაციის, ინკლუზიურობის ან ხარისხის პროექტი - საქართველო I2Q (IBRD)“ ადმინისტრაციული მენეჯერი მარინე ჟვანია ან პროექტი „თანამედროვე უნარები უკეთესი დასაქმების სექტორის განვითარების პროგრამა“ (ADB) დასაქმებული არასაკონსულტაციო მომსახურების მომწოდებლები: ოთარ პაიჭაშვილი და დავით მაღლაკელიძე.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთ-ერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2024 წლის 31 იანვრის ჩათვლით, მხარეთა მიერ ნაკისრი ვალდებულებების სრულად შესრულებამდე.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 წინამდებარე ხელშეკრულება შედგენილია ქართულ ენაზე, ელექტრონულად.

15.5 2024 წლის 1 იანვრიდან შემსყიდველის სახელწოდება განისაზღვროს შემდეგნაირად: "საქართველოს განათლების, მეცნიერებისა და ახალგაზრდობის სამინისტრო".

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მიმწოდებელი:

დირექტორი

ბექა ნიკოლაიშვილი

შემსყიდველი:

ეკონომიკური დეპარტამენტის უფროსი

მარიამ ტაბატაძე

საქართველოს განათლებისა და მეცნიერების
სამინისტრო

ეკონომიკური დეპარტამენტი

დეპარტამენტის უფროსი

ტაბატაძე მარიამ

